



Publicaziuns dalla vischnaunca, jamna 29

Damonda da baghegiar

2016-1004.000/001

Datum dalla publicaziun: ils 20 da fenadur 2018

Il patrun: Andreas Huonder, Via Run 6, 7180 Disentis/Mustér

Il representant: Andreas Huonder, Via Run 6, 7180 Disentis/Mustér

Object: Damonda per prolungaziun dalla lubientscha da baghegiar nr. 2016-1004.000/001; parcella 3318, Mises Las Cavorgias, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 12 da fenadur 2018

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2016–1069.000

Vischnaunca da Disentis/Mustér; project da baghegiar per la sanaziun totala dalla Via Run e dalla Via Funs-Dado, sanaziun dallas lingias d'avertura e providiment sco era dall'illuminaziun publica.

Schischoms pertuccai dalla construcziun; parcelles 550, 560, 561, 562, 564, 566, 567, 569, 570, 571, 573, 574, 579, 584, 589, 597, 598, 599, 600, 601, 639, 672, 954, 965, 977, 988, 1027, 1041, 1648, 1650, 2243, 2374, 2387.

Dils plans surluvrai sa vegnir priu envesta en stanza d'exposiziun (nr. 10) naven dils 20 da fenadur entochen ils 20 d'uost 2018.

Disentis/Mustér, ils 17 d'uost 2018

Suprastonza communal Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2018–2049.000

Alfred Caminada Tuor, Via Gonda 12, 7180 Disentis/Mustér; ulivaziun dil terren e construcziun d'in mir cun crappa naturala sin parcella 739, Via Gonda 12, 7180 Disentis/Mustér.

Nr. 2018–2057.000

Dumeni Columberg, Via dils Larischs 14, 7180 Disentis/Mustér; construcziun d'ina paravent movibel per la stad, Via Sontget 2, 7180 Disentis/Mustér.

Nr. 2018–2061.000

Condomini Casa spel mir, Gassa da Cuoz 13, 7186 Segnas; Colurar ils balcuns vid la casa sin parcella 1990, Gassa da Cuoz 13, 7186 Segnas.



Nr. 2018–2064.000

Condomini Casa Fallun, Via Gonda 3, 7180 Disentis/Mustér; sanaziun dil tetg plat entras in donn,
Via Gonda 3, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 12 da fenadur 2018

Uffeci da baghegiar Disentis/Mustér

Appel als possessurs da tgauns

Adina puspei constatein nus che tgauns spassegian libramein e senza survegionza pil vitg e la cuntrada entuorn. Ultra da quei observein nus savens ch'ils satgets cun excrements da tgauns vegnan tratgs sils praus e sin las pastiras e deponi ordeifer ils recipients (Robidogs) destinai per quei intent.

Sebasond sin art. 18 dalla lescha d'agricultura sco era las prescripziuns generalas eis ei scumandau da schar ir libramein ils tgauns. Surpassaments encunter las prescripziuns dalla lescha d'agricultura san vegnir puni entras la suprastonza communal. Nus supplichein tuts possessurs da tgauns da survegilar lur tgauns. Nus appellein da far diever dils satgets per excrements sco era dils recipients (Robidogs) che stattan a disposiziun. Plinavon supplichein nus ils possessurs da tgauns d'evitar che lur tgauns fan lur dabasegns (marcheschan) vid las fatschadas da casas e baghetgs da tiarzas persunas. Bien engraziament per Vossa capientscha.

Suprastonza communal

«Donnschtig-Jass» dils 2 d'uost 2018 – Preavis

(sch'ils 26-7-2018 porta la victoria als jassists da Disentis/Mustér)

Preziadas convischinas, preziai convischins

Nus tuts sperein ch'ils jassists da nossa vischnaunca hagian success ils 26 da fenadur 2018 ad Elgg ni Oberrieden, sinaquei che l'emissiun da SRF «Donnschtig-Jass» dils 2 d'uost 2018 hagi liug a Disentis/Mustér. En connex cun l'emissiun da «Donnschtig-Jass» a Disentis/Mustér informein nus Vus suandontamein:

Serrada dalla Via Cons/parcadis

Naven da gliendisdis, ils 30 da fenadur 2018 entochen venderdis, ils 3 d'uost 2018 vegn la Via Cons serrada cumpleinamein da sutensi naven dalla Via Lucmagn entochen alla sbuccada dalla Via Sontga Gada. Cheutras ein era ils parcadis dalla vischnaunca q.v.d. parcadis Ualer, areal halla Cons, Retus e Columbin pertuccai. Per quei temps sa la vischnaunca metter a disposiziun negins parcadis.

Pils vischins da Gonda e Dulezi exista ina pusseivladad da sviament sur la Via Alpsu–Via Cons. Igl access al Center da sanadad Puntreis sco era en cass d'urgenza ei garantius.

Canera/illuminaziun

Las lavurs preparatorias vegnan a caschunar canera e disturbis (lavurs dalla sera/notg 21.30/22.30/23.00). Ils 2 d'uost 2018 vegn la festividat cun musica da sault e divertiment a cuzzar entochen mesanotg.

Illuminaziun per la sera dils 2 d'uost 2018

Nus envidein vischinas e vischins entuorn igl areal dalla casa da scola Cons sco era dil Center da sanadad Puntreis d'illuminar las casas naven dallas 19.30 entochen allas 22.00. Quei temps vegnan era tut las cazzolas dallas vias e dils baghetgs publics a glischar (cazzola reducida naven dallas 22.00).

Decoraziun

Tier mintga festividat ei tutta decoraziun cun bandieras e flurs vid las casas ed il contuorn beinvegnida.

Cheutras vegn dau la duida temprada da fiasta. Pils 26 da fenadur 2018 giavischein nus a nos jassists bunas cartas, bien cletg e sin seveser a Disentis/Mustér. Nos jassists ein Clau Jacomet, Jacinta Jacomet, Benjamin Schuoler, Giulian Venzin e Silvio Giger. Aschinavon che «Donnschtig-Jass» vegn buca emess ils 2 d'uost 2018 da Disentis/Mustér, ha tuttina liug quei di la fiasta naziunala 2018.



Encuretg gidonters

Per la festività dils 2 d'uoost 2018 encurin nus aunc voluntaris pil service, buffet sco era per la cuschina. Persunas interessadas san s'annunziar pil viadi da fans e sco voluntari directamein tier Mustér Sedrun Tourismus entochen ils 24 da fenadur 2018 info@disentis-sedrun.ch ni tel. 081 920 40 30. Nus engraziein a Vus gia oz per Vossa beinvulientscha e capientscha sco era per Vies sustegn.

Administraziun communal

Uniun da dunnas Disentis/Mustér

Spassegiada culinaria

Sonda, ils 25 d'uoost 2018 mein nus in di sin viadi ella bellezia Val Lumnezia.

Leu spetga nus: spassegiada culinaria – senda lumneziana gronda – in deletg aschibein culinari sco per l'olma. Nus spassegein da Vrin entochen Vella. A Vrin, Lumbrein e Vella vegnin nus puppergnadas culinari-camein. Temps da viagar ca. quater uras. Tgi che less mo far la mesadad dil viadi a pei sa prender igl auto da posta naven da Lumbrein entochen Vella.

Prestaziun da viagar: mesauna

Ascensiu: 388 m/Descensiu: 614 m

Informaziuns detagliadas obtegnan las participontas avon la spassegiada. S'annunziar entochen ils 10 d'uoost 2018 tier Katrin Pally, katrin.pally@bluewin.ch, 076 578 09 04 ni Sandra Deflorin, sb-deflorin@bluewin.ch, 076 381 26 27.

Kulinarische Wanderung

Wir machen am **25. August 2018** einen Tagesausflug in die wunderschöne Val Lumnezia. Dort wartet auf uns die: Kulinarische Wanderung – Senda lumneziana gronda – ein Genuss für Seele und Gaumen.

Wir wandern von Vrin bis Vella, wo wir in Vrin, Lumbrein und Vella kulinarisch verwöhnt werden.

Reine Wanderzeit ca. 4 Stunden. Wer nur die Hälfte der Strecke machen möchte, kann von Lumbrein bis Vella mit dem Postauto fahren.

Schwierigkeit: mittel

Aufstieg: 388m/Abstieg: 614m

Detaillierte Infos erhalten die Teilnehmerinnen vor der Wanderung. Anmeldung bis 10. August 2018 bei Katrin Pally, katrin.pally@bluewin.ch, 076 578 09 04 oder Sandra Deflorin, sb-deflorin@bluewin.ch, 076 381 26 27.
